



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,  
manè discutienda in Scholis Medicorum, die Jovis duodecimo mensis  
Januarii, anno Domini M. DCC. XLVII.

M. DIONYSIO-CLAUDIO DOULCET,  
Doctore Medico, Præsidente.

*An Tonus partium à Spiritibus?*

I.



ONUS partium (a) vis est innata, quæ, cum mirè ob rei  
obscuritatem ingenia torqueat, sese probe non permittit intelligi,  
unde orta est opinionum multiplex illa varietas. Alii enim tonum  
à musculari motu, alii ab elastico deducendum esse, ac mutuo hu-  
jus & illius, ut ita dicam, sociatum sedere, autumant. Quidam hunc  
ab utroque distinctum esse volunt, illumque definire amant  
proprietaem fibræ innatam, quæ absque præviâ distentione contractionis ac  
decurationis evadunt capaces. Putant nonnulli eum esse ipsum æquili-

(a) Baglivi  
de fib. mortico.

A

brium solidorum cum fluidis ad contactum decurrentibus; alii tandem indefinentium oscillationum, quas duæ meninges validissimè edunt, continuitatem esse censent. Illum non malè dixeris naturalem ac innatam fibrarum tensionem, quæ ad motum fiunt habiles. Non musculares tantum fibras, sed & membranaceas, tendineas, nervosas, omnes tandem partes sensu donatas obsidet indiscriminatim. Postulas quibusnam rationum momentis à musculari & elastico discrepet? Paucis accipe: 1°. motus elasticus, seu elater, nec esse, nec concipi potest absque præviâ distentione, tonicus è contrà à tensione non pendens, nec fibris prius distractis, non tantum esse, sed & augeri potest, ut in quibusdam animi pathematibus, & in tendinum puncturis videre est. 2°. Motus elasticus in cadavere facile deprehenditur; tonicus verò cessante vitâ cessat. 3°. Secto cujuscunque nervi ramo, statim corrui, destruitur tonus in illâ parte, ad quam decurrit ille nervus; elasticus è contrà, sectione factâ, idem est, semperque remanet; à motu musculari voluntario distinguitur, 1°. ex eo quòd à voluntatis arbitrio non pendeat, nec pro illius nutu mutari possit. 2°. Quòd omnes partes sensu præditas afficiat. At tonum à spiritibus animalibus pendere non denegabis, modò vigente illorum influxu, vigeat & tonus; aucto, augeatur; imminuto, minuetur, ac tandem cessante, cesset.

## I I.

EA est causarum inquirendarum Physicis assueta ratio, ut plerumquè à posteriori, id est, ab effectibus sensum moventibus, illas petant ac monstrent. Sic rerum principia, proprietates, natura, ordo, omnia tandem phænomena, à quibus perennis ac stupendus orbis universi pendet concentus, ab iis examinantur. (a) *Dein inter se comparantur sedulo, ut convenientia vel diversitas pateat.* Verum quod Physicis proprium est, Medicis quoquè rebus competit. (b) *Ultima enim Metaphysica, & prima Physica causa Medico investigari utiles; necessaria, vel possibiles non sunt.* Nonnè disertissimo Batavorum Hippocrati refragaris? Satis igitur erit ad assignandam cujuscunque functionis causam, ambarum analogiam, naturalemque connexionem ita dignoscere, ut existente ejusdem causæ influxu, augecente, minuente, desinente, existere quoquè, augeri, minui, desinere deprehendatur functio. Sic, verbi gratiâ, sensus motusque causam agnosces fluidum nerveum, quoniam vigescente illius decursu, vigeant, abolitoque, aboleantur; sed posito influxu quomodo peragantur, nos latet, & æternum latebit. Verum quod de singulis functionibus, illud etiam de partium tono illicè fateberis.

## I I E.

TONI existentie explorata quæris incertus signa? Quempiam æstuantem irâ, metu percitum, vel aliis quibusdam animi pathematis tentatum, attentus intuerè, persuasu tuo illius existentiam comprobabis; in his enim affectibus evidenter minuitur aut augefcit tonus, pro vario, quo mens afficitur, modo; in irato auctus, in terrore depravatus multum, ac propè abolitus deprehenditur. In priori quippè fluidum nerveum majori copiâ per omnes & singulas corporis partes propellitur, major proinde oritur fibrarum tensio, major tonus, hinc magis contrahuntur solida, magis oscillant; aucto solidorum motu magis verberantur, propelluntur, ad motum excitantur fluida; hinc in irâ pulsus ce-

(a) Boerh aav  
Inst. Med.

(b) Idem.

leptas & durities, vultus rubor ac totius corporis calor. In posteriori verò in quo spiritus animales ad interiora coacti cohibentur, imminuitur tonus; collabuntur, torpescunt solida, moram trahunt, stagnant fluida, hinc in metu ac terrore pulsus rarus & debilis, facies pallida, virum prostratio, & sæpè sæpius syncope. Eadem ratione in morbis convulsivis, aut spasmodicis motibus stipatis intensiori gradu augetur; in soporosis è contrà stupefcit, concidit ac veluti conspeliatus videtur. Suspensus hæres? Glandulam quamcumque stimulo excitatam considera. Mox adaucto spirituum influxu, illius adaugetur tonus, majori copiâ ad hanc propelluntur fluida, hinc multò major secretio. Tabacum naribus subduce, emeticum exhibe, catharsim provoca, cantharides admove, horum omnium effectus, totidem sunt toni à fluido nerveo majori copiâ ad has partes appellente, adaucti indicia. Sed quid moramur? Certius multò tibi exponamus toni argumentum. Intemeratam ac pudicâ præditam facie puellam attentis animis contemplâre, mox pudens demissis oculis leni perfunditur rubore; undè color ille roseus? nisi à præcipiti spirituum animalium in nervos genis proficientes influxu, cujus beneficio arteriarum venarumque parietes plus aequò contrahuntur, constringuntur, id est, tunc temporis interior sit vasorum in hac parte tonus, hinc inevitabilis sanguinis in vasa capillaria ingressus, mora, stagnatio, hincque rubor ille pudoris, candorisque signum.

### I V.

**SOLIDUM** quodcumque nullo ex se motu præditum esse, ac, nisi ab alio moveatur, in quiete remanere Physici docent. Verùm quod de omnibus naturæ corporibus asseritur; illud de corpore humano dictum puta. Hujus partes, tam solidæ quàm fluidæ, immotæ semper starent, nisi accedente causâ motrice (fluido nerveo) ad motum excitarentur. Fluidum nerveum, spiritus animales idem sonant. Horum nomine intellige fluidum particulis subtilissimis, volatilibus, aereis, ac propè dicam igneis, è sanguine desumptis constatum, à cerebro rescindiendis nervorum propaginibus elaboratum, fibrillisque continuò recreandis, movendisque idoneum. Existentem hunc succum comprobant pervia nervorum structura, compressio, ligatura, sectio, quibus adhibitis, sensus, motusque partium illarum ad quas nervi illi pertinent subito pereunt, statim iis sublati reducturi. Ab emporio per nervorum canales jugi fluxu ad omnes & singulas partes dimittitur. Ubi fibrarum subitè ostiola illarum vesiculas distendit, commovet, excutit, iisque oscillatorio motum impertitur. Virtus quâ fibræ ita distenduntur, commoveantur, excutiantur, tonus dicitur, oscillationesque illius erunt effectus, quemadmodum musculi abbreviatio, sive ad abbreviationem nifus, actionis muscularis effectus rectè dici possunt. Sic se habet tonus partium, qui mirabiles edere valet effectus; omnes etenim, quæ peraguntur in corpore nostro, functiones ab eo pendere ita certum est, ut absque eo exerceri nequeant. Cunctæ enim fibræ sensu præditæ oscillatorio motu gaudent, cujus beneficio ad omnes & singulas corporis regiones propelluntur fluida, quæ solâ cordis contractione remotissimas partes perlustrare non possissent. Hinc 1º. facilior, liberiorque circulatio: 2º. sanguis subactus, tritus, fluidior factus, ad secretiones, filtrationes, singulasque fluidorum munia obeunda, quibus cunctæ referri possunt functiones, aptior evadit. Vigente ergò spirituum influxu, viget tonus; aucto, augetur; imminuto, minuitur; cessante, cessat.

**P**ERPENSIS itaque toni naturâ, indole, effectibus, ac phœnomenis eum comitantibus, concludendum nobis est illum pendere à fluido nerveo tanquam à causâ proximâ, sine quâ, nec esse nec concipi ullo modo potest. Sic itaque pro variâ fibrarum structurâ, dispositione, resistentiâ partes corporis solidæ majori vel minori motionis vi donantur. Hinc illarum triplex motus, tonicus scilicet, muscularis & elasticus; quibus ritè ordinatis, veluti ex triplici armamentario habet corpus, undè sanitatem faciliè, constanter, ac jucundè servet; sed quæis vel minimè læsis universa evertitur animalis œconomia, varisque ac innumeris ferè morborum catervis præbetur origo, quæ brevi miseros trucidaret mortales, nisi opitularetur ars verè salubris, quæ resingere incendium, ac exitiosum compescere valeat dissidium. At, objicies forsân, spiritus animales nulli sunt, ergò tonus aut nullus, aut non à spiritibus; verùm plurimis accuratioribus experimentis à sedulo indagatore *Le-wenêekio* tentatis, nervos, fibrarum cerebri productionem, hosque pervios esse constat; quod sanè existentiam fluidi à cerebro ipso oriundi apertè declarat. Quin etiâ asserre possumus experimentum *Bellini*. Ligato scilicet canis vivi nervo diaphragmatico, itâ ut mutuum inter cerebrum & ipsum diaphragma tollatur commercium, subito perit omnis in diaphragmate motus. Si verò leni digitorum compressione ligatus pertractetur nervus, ut spiritus intrâ ligaturam & diaphragma contentus ad eum propellatur, statim resurgit in musculo motus; sublata ligaturâ indefinenter duraturus. Instabis: tonus à propriâ fibrarum structurâ pendet; sed structuram hanc eandem semper ac immutabilem esse, tonum verò augeri vel minui pro vario causæ motricis influxu, norunt omnes; aliundè tonus partium ab elastico motu tunc temporis deducendus in viventibus æquè ac in vitâ orbatis vigeret, quod rationi & experientiæ minimè consonum videtur; partes enim cadaveris collabuntur, torpescunt, laxantur, nec oscillatorio motu gaudent.

*Ergo Tonus partium à Spiritibus.*

### DOMINI DOCTORES DISPUTATURI.

*M. Ludovicus-Reynas Desbois.*

*M. Natalis-Maria de Gevignand.*

*M. Paulus-Jacobus Malouin, Regiæ Scientiarum Academiæ Socius, Regiusque Librorum Chemicorum Censor.*

*M. Carolus-Ludovicus Liger.*

*M. Franciscus-David Herissant.*

*M. Joannes-Baptista Voyer, Regiæ Consiliarius Medicus in majori Senatu ac in Præfecturâ Parisiensi, Serenissimæ Cenomanensium Ducissæ Medicus ordinarius, & Censor Regius, M. Bernardus de Jussieu, Regiæ Scientiarum Academiæ, & in Horto Regio Botanices Professor.*

*M. Joannes-Stephanus Guettard, è Regiâ Scientiarum Academiâ, & Censor Regius.*

*M. Antonius Bergier.*

Proponebat Parisiis BERNARDUS-NICOLAUS BERTRAND;  
Parisiensis, Saluberrimæ Facultatis Medicinæ Parisiensis Baccalaureus,

A. R. S. H. 1747, à sextâ ad meridiem.

Typis QUILLAU, Universitatis & Facultatis Medicinæ Typographi, 1747.